

Bullae Papae Pius V: Etsi Dominici gregis... dated February 1567.

- In: Laerzio Cherubini, Angelo Maria Cherubino. Magnum bullarium romanum, a Pio Quarto vsque ad Innocentium IX. P. Borde, L. Arnaud & C.I. Rigaud, Lyon, 1673, vol.2, p.161-162

XXX. Reuocatio Indulgentiarum quomodolibet concessarum, continentium facultatem quæstuandi, & pro quibus consequendis porrigendæ sunt manus adiutrices. Prohibitioque de cætero quæstuandi, & quæstores deputandi.

Ad hac habes etiam huius Pont. const. 99. Quam plenum. Necnon Conc. Trid. sess. 21. cap. ult. ubi Abolito usu quæstarum, datur Ordinariis forma colligendi eleemosynas.

Edicta An.D. 1567. **P I V S E P I S C O P V S,**
Seruus Seruorum Dei. Ad perpetuam rei memoriam.

Proeminens. **E**Tsi Dominici gregis saluti semper intenti, singulis cum humilitate poscentibus ea benigne concedere nos & prædecessores nostri studuerint, per quæ peccatorum mole deposita salus ipsis succedat, & hostis humani generis seruitute ereptas animas lucrifaciant Altissimo, qui eas nobis sua bonitate commisit; id tamen propensiori studio nos præcauendum esse censemus, ne cuiusvis Indulgentiæ, remissionis, vel facultatis obtentu, Christi fideles procliuiores ad illicita in posterum committenda reddantur, aut facilitas veniæ eis peccandi tribuat incentiuum, & exinde clauium auctoritas deducatur in contemptum, & Christi fideles quamplurimum scandalizentur.

Causa iniuransit. §. 1. Sane cum ad auditum nostrum ex diuersis mundi partibus quamplurimæ quærelæ perlatae fuerint, quod vigore diuersarum Indulgentiarum, & facultatum per prædecessores nostros, ac etiam nos vel auctoritate nostra, tam fabricæ nostræ basilicæ Principis Apostolorum, & Ecclesiæ Sancti Ioannis Lateranensis de Vrbe, ipsiusque Ecclesiæ, necnon S. Ioannis, & S. Lazari Hierosolymitan. ac S. Spiritus in Saxia, & S. Ioannis Lateranen. ac S. Iacobi Incurabilium, de eadem Vrbe, necnon S. Elemi, & S. Bouis, ac S. Gothardi, & S. Leuguzoni, necnon S. Nicolai, & Sancti Bernardi montis Iouij, necnon S. Leonardi, ac S. Marthæ, necnon Sanctiss. Crucifixi Siracusan. ac S. Mariæ de monte Serrato, hospitalibus, ac

etiam S. Sebastiani prope, & extra muros dictæ urbis, necnon S. Antonij de S. Antonio Vienn. diœcesis & Redemptionis captiuorum nuper Neapoli instituto Monasteriis, illorumque, ac diuersis aliis Ecclesiis, Monasteriis, Hospitalibus, Militiis, Confraternitatibus, Societatibus, & piis locis concessarum, multi quæstores ex eisdem indulgentiis lucrum temporale tantum quærentes, nominibus fabricæ Ecclesiarum Hospitalium, Monasteriorum, Militiarum, Confraternitatum, Societatum, & piorum locorum prædictorum in diuersis Cinitatibus, & diœcesibus quæstas facere, Confratres describere, Cappellas, & Oratoria erigere, illisque erectis Indulgentias huiusmodi communicare, & in diuersis gradibus à iure prohibitis dispensare, ac plura etiam concedere, quam eis vigore facultatum prædictarum licitum sit, ipsique lucro intenti, pecuniasque potiusquam Christi fidelium salutem quærentes, ac eisdem indulgentiis sic abutentes, quæstum ex illis particularem facere conan-

tur, variosque & diuersos Quæstores, Commissarios, Procuratores, Receptores, Thesaurarios, Factores, Nuntios & alios ministros constituere, qui non solum supradicta, sed etiam plura alia eis nunquam concessa, facere, & concedere, necnon locorum Ordinarios, illorumque in spiritualibus vicarios generales, & Officiales, ac Ministros, Ecclesiarumque & Ordinum Prælatos, Superiores & personas, quæstas huiusmodi impediens censuris Ecclesiasticis innodare, & aliis in pluribus grauitur excedentes in diuinæ maiestatis offensam, ac suarum & Christi fidelium animarum perniciem, ac Ordinariorum perturbationem, & piarum mentium scandalum, præsumunt.

§.2. Nos qui Deo propitio gregis Dominici meritis licet insufficientibus curam gerimus, & illum spiritua-
 lis Theſauri elargitione cupimus ipſi Deo reddere acceptabilem, ex præmiſſis, & aliis rationabilibus cauſis animi
 noſtrum mouentibus, ſel. record. Caluſti I V. Clementis VII. Pauli III. Iulij ſimiliter III. & diuerſo-
 rum aliorum Romanorum Pontificum prædeceſſorum noſtroꝝ uſtigiis inhxentes, Motu proprio non ad ali-
 cuius nobis ſuper hoc oblatæ petitionis inſtantiam, ſed de
 mera noſtra voluntate, deliberatione, omnes & ſingulas indulgentias etiam perpetuas, & peccatorum remiſſio-
 nes fabricæ & Eccleſiæ huiuſmodi, necnon Sancti Ioan-
 nis Hieroſolymitani etiam pro conſtructione, & ædifica-
 tione illius nouæ Ciuitatis prædictis, in quibuſvis aliis
 Hoſpitalibus, Monafteriis, Eccleſiis, domibus, militiis,
 Ordinibus etiam Mendicantium, Congregationibus,
 Confraternitatibus, & Vniuerſitatibus, & piis locis, illo-
 rumque Ordinibus, Capitulis, Conuentibus, Magiſtris,
 Superioribus, & tam ſæcularibus, quàm quorumvis
 etiam Mendicantium Ordinum Regularibus perſonis,
 tam ſingulariter, quàm vniuerſaliter per quoſcumque
 Romanos Pontifices prædeceſſores noſtros ac etiam nos,
 ſub quibuſcumque tenoribus, & formis, ac cum quibuſvis
 clauſulis & decretis, etiam Motu proprio, & ex certa
 ſcientia, ac ex quibuſvis etiam urgentiſſimis cauſis,
 etiam cauſa redemptionis captiuorum, & alias quo-
 modolibet conceſſis: pro quibus conſequendis ma-
 nus ſunt porrigendæ adiutrices, & quæ quaſtuandi
 facultatem quomodolibet continent, illarum omnium te-
 nores, formas, derogationes & decreta præſentibus pro
 expreſſis habentes auctoritate Apoſtolica tenore præſen-
 tium perpetuo reuocamus, caſſamus, irritamus, & annul-
 lamus, ac viribus vacuamus.

*Reuocatio In-
 dulgentiarum
 conſuetudinum
 facultatem
 quaſtuandi,
 & pro quibus
 conſequendis
 porrigenda
 ſunt manus
 adiutrices.*

§. 3. Et insuper perpetuo hac nostra valitura constitu- *Prohibitio*
tionis decernimus, quod ex nunc de cætero sub indigna- *deputandi qua-*
tionis nostræ poena, prætextu indulgentiarum & facul- *itates, aut fa-*
tatum per quoscumque Romanos Pontifices prædecesso- *cardinales,*
res nostros, ac nos & Sedem Apostolicam etiam Moru- *nisi de specia-*
simili ac Sedis Apostolicæ Legatos, & alias quomodoli- *li licentia*
bet concessarum, & quas à nobis & Sede prædicta in *Papa.*
posterum verbo, literis, aut quavis alia scriptura etiam
manu nostra signata, etiam cum clausula quod sola signa-
tura sufficiat, etiam in fauorem fidei, aut cruciatæ lan-
ctæ, vel cuiuscumque alterius piæ causæ, etiam privile-
giatæ concedi quomodolibet contigerit nullus quavis
etiam Episcopali, Archiepiscopali, & Patriarchali, aut
maiori dignitate etiam Cardinalatus honore, seu etiam
regali, vel temporali excellentia præfulgeat, audeat
vel præsumat quæstas facere, aut Nuntios, Quæstos,
Commissarios, Thesaurarios, Receptores, pro illis reci-
piendis in dictis Hospitalibus, Ecclesiis, Domibus, Mo-
nasteriis, Militiis & aliis supranominatis, vel pro eis
aut illorum nominibus alibi constituere, & deputare, nisi
ex speciali licentia, & ex certa scientia nostris, & Romani
Pontificis pro tempore existentis, de qua per literas no-
stras, & eiusdem Romani Pontificis pro tempore existen-
tis, locorum Ordinariis, vel eorum in spiritualibus Vica-
riis, seu Officialibus derogationem præsentis nostræ con-
stitutionis illius tenore de verbo ad verbum inserto ex-
presse continentes.

§. 4. Nos enim ex nunc irritum decernimus, & inane *Dirictum fr-*
quicquid secus super his à quoquam quavis auctoritate *ritant.*
scienter, vel ignoranter contigerit attentari, constare de-
beat.

*Executio
deputatio.*

§.5. Mandantes in virtute sanctæ obedientiæ domibus, & singulis Venerabilibus fratribus nostris Patriarchis, Primatibus, Archiepiscopis, & Episcopis, quatenus in ciuitatibus, & diocesisibus suis, præsentibus nostras literas publicare, & obseruare debeant, rogantesque omnes, & singulos Principes sæculares, & alios Dominos, & Magistratus temporales, eisque per viscera misericordiæ D. N. Iesu Christi in remissionem peccatorum suorum iniungentes, quatenus in præmissis eisdem Patriarchis, Primatibus, Archiepiscopis, & Episcopis assistant, & suum auxilium & fauorem præstent, cū auxilio brachij sæcularis.

*Clausula de-
rogatoria.*

§.6. Non obstantibus præmissis, ac quibusvis Apostolicis, necnon in Prouincialibus, & Synodalibus Conciliis editis, generalibus vel specialibus Constitutionibus, & Ordinationibus, necnon fabricæ Ecclesiæ, Hospitaliū Monasteriorum, Militiarum, Cōfraternitatum, Ordinum, Capitulorum, Conuentuum, aliorumque locorum prædictorum; & quorumvis illorum membrorum, Ecclesiarum etiam Cathedralium, & Metropolitanarum etiam iuramento, confirmatione Apostolica, vel quavis firmitate alia roboratis, statutis & consuetudinibus, stabilimentis, v'sibus & naturis, priuilegiis quoque indultis, & literis Apostolicis, illis, & præsertim S. Io. & S. Lazari, ac S. Spiritus in Saxia, Hospitalibus, necnon S. Antonij de S. Antonio, & SS. Nicolai, & Bernardi Montis Iouij Monasteris, ipsorumque Monasteriorum Hospitalibus, singulorumque eorum Conuentibus, Superioribus, & personis præfatis, per quoscumque Rom. Pont. prædecessores, ac nos, & Sedem Apostolicam sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, etiam motu simili, & ex certa scientia, ac quavis etiam Imperiali, vel Regali confide-

ratione, vel instantia, & alias quomodolibet concessis, approbatis, & innouatis, quibus omnibus, etiam, si pro illorum sufficienti derogatione de illis, eorumque tenoribus specialis; specifica, individua, & expressa, non autē per clausulas generales idem importantes mentio seu quævis alia expressio habenda, aut alia exquisita forma ad hoc seruanda foret, tenores huiusmodi, ac si de verbo ad verbum nihil penitus omisso, & forma in illis tradita obseruata inserti forent præsentibus, pro sufficienter expressis habentes, motu, scientia, & potestatis plenitudine similibus specialiter & expresse derogamus, & sufficienter derogatum esse volumus, contrariis quibuscumque. Aut si aliquibus, communiter vel diuisim ab Apostolica sit Sede indultum quod interdicti, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem.

Iussu publico.

§.7. Volumus autem quod præsentis literæ in Cancellaria nostra Apostolica, & acie Campi Floræ de more publicentur, & inter constitutiones perpetuo valituras describantur.

Transumptum fides.

§.8. Et quia difficile foret easdem præsentis ad singula quæque loca deferri, volumus, & etiam declaramus, quod earum transumptis etiam impressis manu alicuius Notarij subscriptis, ac sigillo alicuius Prælati munitis eadem prorsus fides adhibeatur, quæ adhiberetur si originaliter forent exhibitæ, vel ostensæ.

Nulli ergo omnino, &c.

Dat. P. A. s. die 8. Febr.

Dat. Romæ apud S. Petrum, Anno Incarn. Dom. 1567. sexto Idus Febr. Pont. nostri Anno 2.

Publicatio.

Anno à Nat. D. 1567. Indiæ. 10. die vero 17. mensis Febr. Pont. Sanctiss. in Christo patris & D. N. D. Pij Papa V. anno 2. infrascripta litera Apost. affixa, ac publicata fuerunt ad valuas Cancell. Apost. & in acie Campi Floræ, per nos Antonium Clerici, & Ioan. Andreæm Rogerium præfati S. D. N. Papa Curf.

Scipio de Oltavianis Mag. Curf.